

Bosna i Hercegovina  
Federacija Bosne i Hercegovine  
SREDNJOBOSANSKI KANTON/KANTON SREDIŠNJA BOSNA  
KANTONALNI SUD U NOVOM TRAVNIKU

Broj: 06 0 K 008950 16 K  
Novi Travnik, 19.09.2016.godine

### U IME FEDERACIJE BOSNE I HERCEGOVINE !

Kantonalni sud u Novom Travniku, u vijeću sastavljenom od sudaca Darmina Avdić kao predsjednika vijeća, Lazarele Porić i Sadika Lendo kao članova vijeća, uz sudjelovanje Mironije Jozak kao zapisničara, u krivičnom predmetu protiv optuženog Suada Ramić zbog krivičnog djela ratni zločin protiv civilnog stanovništva iz člana 142. stav 1. preuzetog Krivičnog zakona SFRJ, kao važećeg zakona u vrijeme izvršenja djela, postupajući po izmijenjenoj optužnici Kantonalnog tužilaštva Travnik broj T06 0 KTRZ 0017535 16 od 30.06.2016.godine, nakon održanog usmenog i javnog glavnog pretresa u prisustvu optuženog, njegovog branitelja Hajrudina Pokvić, advokata iz Bugojna i kantonalnog tužitelja Ahmeda Mešić, donio je i dana 19.09.2016.godine, u prisustvu optuženog i branitelja, a u odsustvu uredno obaviještenog kantonalnog tužitelja, javno objavio slijedeću

### PRESUDU

Optuženi:

SUAD RAMIĆ zvan „Bubu“, sin Sejfe i majke Đemile rođene Rogonjić, rođen 24.05.1966.godine u Bugojnu, nastanjen u ul. Vrbaska bb, Gornji Vakuf/Uskoplje, [REDACTED], [REDACTED],

na osnovu člana 299. tačka a) Zakona o krivičnom postupku Federacije BiH

### OSLOBAĐA SE OD OPTUŽBE

Da je:

Za vrijeme rata u Bosni i Hercegovini i u vrijeme oružanog sukoba između Hrvatskog vijeća obrane s jedne strane i Armije Republike Bosne i Hercegovine s druge strane u toku juna 1992.godine, na području Gornjeg Vakufa u svojstvu pripadnika Armije BiH postupao protivno pravilima međunarodnog humanitarnog prava pri tome kršeći odredbe člana 3. Ženevske konvencije o zaštiti građanskih lica za vrijeme rata od 12.08.1949.godine tako što je:

Neutvrđenog dana tokom juna mjeseca 1992.godine, nakon što je u Gornjem Vakufu u blizini zgrade Vatrogasnog doma zaustavljen automobil u kojem su se nalazili Mirko Franjić i Marijo Lučić, od strane pripadnika Armije RBiH, Suad Ramić zv. „Bubu“ iz istog izvukao oštećenog Mirka Franjić uhvativši ga za kosu i pri tome mu psujući ustašku majku, a nakon što mu se isti obratio riječima: „Šta ti je Bubu“, počeo

ga tući nogama u predjelu stomaka zadavši mu četiri do pet udaraca uslijed kojih je Mirko Franjić pao na zemlju da bi nakon toga optuženi i još jedan nepoznati pripadnik Armije BiH Mirka Franjić sprovodili do bazena koji se nalazio u blizini ugostiteljskog objekta zvanog „Meka ćuna“ u Gornjem Vakufu, na način da je Mirko Franjić išao ispred optuženog Suada Ramić pri čemu ga je optuženi kundakom puške više puta udario u predio leđa uslijed čega je oštećeni od siline udaraca padao na zemlju,

dakle, kršeći pravila međunarodnog humanitarnog prava za vrijeme rata i oružanog sukoba, nečovječno postupao prema civilima,

čime da je počinio krivično djelo ratni zločin protiv civilnog stanovništva iz člana 142. stav 1. preuzetog Krivičnog zakona SFRJ, kao važećeg zakona u vrijeme izvršenja djela.

Na osnovu člana 212. stav 4. Zakona o krivičnom postupku Federacije BiH oštećeni Mirko Franjić se sa imovinskopravnim zahtjevom upućuje na parnični postupak.

Na osnovu člana 203. stav 1. Zakona o krivičnom postupku Federacije BiH troškovi krivičnog postupka iz člana 199. stav 2. tačke od a) do f) istog zakona, kao i nužni izdaci optuženog i nužni izdaci i nagrada branitelja, padaju na teret budžetskih sredstava.

Zapisničar  
Mironija Jozak

Predsjednik vijeća  
Darmin Avdić